



სსიპ სასოფლო-სამეურნეო კოოპერატივების განვითარების სააგენტოს მიერ საქართველოს მთავრობის 2016 წლის 29 მარტის N150 დადგენილებით დამტკიცებული „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამით“ გათვალისწინებული დანადგარების/აღჭურვილობების ცხელი წყლით რეცხვის ავტომატების სახელმწიფო შესყიდვის გამარტივებული ელექტრონული ტენდერის

სატენდერო დოკუმენტაცია

(დაფინანსების წყარო: 2016 წლის სახელმწიფო ბიუჯეტი)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

სარჩევი

1. ინსტრუქცია ტენდერში მონაწილეთათვის	3
2. ტექნიკური დოკუმენტაცია	4
3. დამატებითი ინფორმაცია	6
4. სახელმწიფო შესყიდვის შესახებ ხელშეკრულების პროექტი	7
5. დანართი N1,	12
6. დანართი N2 პრეტენდენტის შეთავაზება	13

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 იმ შემთხვევაში თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და პრეტენდენტი ვალდებულია წარმოადგინოს ტექნიკური დოკუმენტაციით განსაზღვრული შესყიდვის ობიექტის მსგავსი ან ექვივალენტური მახასიათებლების მქონე საქონელი/მომსახურება. ამასთან, ტექნიკურ დავალებაში მოცემული პარამეტრები არის შემსყიდველის მიერ დადგენილი მინიმალური მოთხოვნები, რომელსაც უნდა აკმაყოფილებდეს პრეტენდენტის მიერ შემოთავაზებული შესყიდვის ობიექტი.

1.7 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის და შესყიდვის ობიექტის მიწოდებასთან დაკავშირებული ხარჯის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.8 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.9 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, მისამართზე: ქ.თბილისი, ვაჟისუბნის ქ. 25; საკონტაქტო პირი: ივერი კუპატაძე ტელ: +995 577 24 09 09

2. შესყიდვის ობიექტის ტექნიკური დავალება:

2.1. წინამდებარე შესყიდვის მიზანს წარმოადგენს საქართველოს მთავრობის 2016 წლის 29 მარტის N150 დადგენილებით დამტკიცებული „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამის“ შესაბამისად პროგრამაში მონაწილე სასოფლო-სამეურნეო კოოპერატივებისათვის მათ მიერ პროგრამის ფარგლებში მოთხოვნილი ცხელი წყლით რეცხვის ავტომატების სახელმწიფო შესყიდვა-გადაცემა.

N	დასახელება	ტექნიკური მახასიათებლები	სავარაუდო რაოდენობა	ფასი/ცალი/ლარი	ჯამი ლარში	საგარანტიო ვადა
1	ცხელი წყლით რეცხვის ავტომატი	1. ტუმბოს წნევა: არანაკლებ 200 ბარი; 2. ძრავის სიმძლავრე: არანაკლებ 5.5 კვტ; 3. ძაბვა/ფაზა: 380/ ვოლტი; 4. წყლის გაცხელების ტემპერატურა: 0 - 120°C, რეგულირებადი; აღჭურვილობა: • 1 მ/წ პისტოლეტი • 1 მაღალი წნევის მილი, არანაკლებ 12 მ • სპრეის მილი • გამფრქვევი სოპლო	10			1 წელი

შენიშვნა:

- შემოთავაზებული საქონელი უნდა იყოს 2016 წელს გამოშვებული და არ უნდა იყოს ექსპლუატაციაში ნამყოფი.
- შესაძლებელია საქონლის სრული რაოდენობა შემსყიდველის მიერ არ იქნეს შესყიდული.
- შემსყიდველის მიერ შესაძლებელია შესყიდული იქნეს გაუმჯობესებული პარამეტრების საქონლი.

2.2. შესყიდვის ობიექტის გარანტიის ვადა განისაზღვრება შემდეგი ვადებით სამმხრივი მიღება-ჩაბარების აქტის გაფორმებიდან არანაკლებ 1 წელი. საგარანტიო ვადის მოქმედების პერიოდში მიმწოდებელი ვალდებულია საკუთარი ხარჯებით უზრუნველყოს გამოვლენილი დეფექტის/ნაკლის აღმოფხვრა, დეფექტის/ნაკლის აღმოჩენის შემდგომ წერილობითი შეტყობინებიდან არაუმეტეს 15 დღეში. აღნიშნული ვადის დარღვევის შემთხვევაში სასოფლო-სამეურნეო კოოპერატივი უფლებამოსილია მიმწოდებელს დააკისროს პირგასამტეხლო მიყენებული ზიანის 1%-ის ოდენობით ყოველ ვადაგადაცილებულ დღეზე.

2.3. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან ანგარიშგაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-9 მუხლის პირველი პუნქტის „კ“ ქვეპუნქტი.

3. მიწოდების ვადა და პირობები:

- 3.1. შესყიდვის ობიექტის მიწოდება უნდა განხორციელდეს ეტაპობრივად, შემსყიდველის წინასწარი წერილობითი თანხმობის მიღების შემდეგ, მაგრამ არაუგვიანეს 2016 წლის 15 დეკემბრისა.
- 3.2. შესყიდვის ობიექტის მიწოდება განხორციელდება საქართველოს ტერიტორიაზე შემსყიდველის მიერ მითითებულ მისამართებზე წინასწარ წერილობითი თანხმობის საფუძველზე: **ასპინძა; ადიგენი; წინოწმინდა; ახალქალაქი; მარნეული; გარდაბანი; სენაკი; მარტვილი; ახმეტა; (რაიონების მემდებარე სოფლები).**
- 3.3. მიმწოდებელმა არ უნდა გამოწეროს ინვოისი, სასაქონლო ზედნადები და სხვა საგადასახადო დოკუმენტაცია შემსყიდველის წინასწარი წერილობითი თანხმობის გარეშე.
- 3.4. პროგრამის მონაწილეთა (კოოპერატივები) მიერ, სსიპ სასოფლო-სამეურნეო კოოპერატივების განვითარების სააგენტოს წინაშე ნაკისრი ვალდებულების შეუსრულებლობის ან არაჯეროვანი შესრულების შემთხვევაში, შესაძლებელია მიწოდების ადგილი შეიცვალოს და დამატებით განისაზღვროს სააგენტოს მიერ.

4. მიღება-ჩაბარების აქტის გაფორმების წესი და ინსპექტირება:

- 4.1. შემსყიდველის მიერ განხორციელდება მისაღები საქონლის ინსპექტირება, რომელიც ითვალისწინებს მოთხოვნილი და მიწოდებული საქონლის სპეციფიკაციების თანხვედრას და მისი ფუნქციონირების შემოწმებას.
- 4.2. მიწოდებულ საქონელზე მიღება-ჩაბარების აქტი ფორმდება წერილობითი ფორმით, სამივე (შემსყიდველი, მიმწოდებელი და მიმღები) მხარის უფლებამოსილი წარმომადგენლების ხელმოწერით.

5. ანგარიშსწორების პირობები:

- 5.1. ანგარიშსწორება განხორციელდება სსიპ სასოფლო-სამეურნეო კოოპერატივების განვითარების სააგენტოს 2016 წლის სახელმწიფო ბიუჯეტიდან.
- 5.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორების წესით ეროვნულ ვალუტაში, ფაქტობრივად მიწოდებული საქონლის შესაბამისად და მიღება-ჩაბარების აქტის გაფორმებიდან 10 (ათი) სამუშაო დღის ვადაში;
- 5.3. იმ შემთხვევაში, თუ ობიექტური გარემოებების გამო (მიმღებმა მხარემ ვერ უზრუნველყო შემსყიდველის წინაშე ნაკისრი ვალდებულების ფარგლებში შენობის აშენება) ვერ ხერხდება შესყიდვის ობიექტის მიწოდება 2016 წლის 15 დეკემბრამდე, ანგარიშსწორება განხორციელდება მიმწოდებლის მიერ წარმოდგენილი საავანსო საბანკო გარანტიის საფუძველზე.
- 5.4. საავანსო საბანკო გარანტია წარმოდგენილი უნდა იყოს მოსაწოდებელი საქონლის ღირებულების შესაბამის თანხაზე.
- 5.5. შესაძლებელია წინასწარი ანგარიშსწორება.
- 5.6. წინასწარი ანგარიშსწორების შემთხვევაში მიმწოდებელმა უნდა წარმოადგინოს მოთხოვნილი თანხის შესაბამისი საავანსო საბანკო გარანტია.

6. პრეტენდენტმა ტექნიკური დოკუმენტაციის სახით სახელმწიფო შესყიდვების ერთიან ელექტრონულ სისტემაში უნდა ატვირთოს შემდეგი დოკუმენტაცია:

- რეკვიზიტები დანართი N1-ის მიხედვით.
- სატენდერო დოკუმენტაციის ტექნიკური დავალების განფასებული ცხრილი - დანართი N2.
- მიმწოდებელმა უნდა წარმოადგინოს სატენდერო დოკუმენტაციის ტექნიკურ დავალებაში მითითებული მოსაწოდებელი საქონლის ტექნიკური მონაცემების (მწარმოებლის ოფიციალური მონაცემები) შესაბამისობის დამადასტურებელი დოკუმენტები.

შენიშვნა:

სატენდერო დოკუმენტაციით გათვალისწინებული მონაცემები წარმოდგენილი უნდა იყოს ქართულ ენაზე, ხელმოწერილი და ბეჭედადამოწმებული (ბეჭდის არსებობის შემთხვევაში) უფლებამოსილი პირის მიერ; უცხოენოვანი დოკუმენტები უნდა იყოს ნათარგმნი ქართულ ენაზე და სანოტარო წესით დამოწმებული.

7. დამატებითი ინფორმაცია:

7.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სახელმწიფო შესყიდვების ერთიანი ელექტრონული სისტემის შესაბამისი კითხვა-პასუხის მოდულის მეშვეობით ანდა შემსყიდველი ორგანიზაციის სატენდერო კომისიის აპარატში: თბილისი, ვაზისუბნის ქუჩა N25, ტელ: +995 577 24 09 09 +995 32 231 30 26; ივერი კუპატაძე

**(წინამდებარე ხელშეკრულება დეტალურად დაზუსტდება მიმწოდებლის
სატენდერო წინადადების შესაბამისად)**

თბილისი

„____“ _____ 2016 წელი

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „პროგრამა“ – „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამის დამტკიცების შესახებ“ 2016 წლის 29 მარტის N150 დადგენილებით დამტკიცებული სახელმწიფო პროგრამა, ცვლილებებით და დამატებებით;
- 1.2. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონის, „სასოფლო-სამეურნეო კოოპერატივის შესახებ“ საქართველოს კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებისა და საქართველოს მთავრობის 2016 წლის 29 მარტის N150 დადგენილებით დამტკიცებული „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამის“ საფუძველზე, შემსყიდველ ორგანიზაციას, მიმწოდებელსა და სახელმწიფო პროგრამის მონაწილეს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.3. „შემსყიდველი ორგანიზაცია“ - (შემდგომ „შემსყიდველი“) - სსიპ „სასოფლო-სამეურნეო კოოპერატივების განვითარების სააგენტო“
- 1.4. „მიმწოდებელი“ – იურიდიული ან ფიზიკური პირი, რომელმაც შემსყიდველთან და პროგრამის მონაწილესთან გააფორმა სახელმწიფო შესყიდვის შესახებ ხელშეკრულება;
- 1.5. „პროგრამის მონაწილე“ – (შემდგომში „მონაწილე“) იურიდიული პირი, რომელსაც „სასოფლო-სამეურნეო კოოპერატივის შესახებ“ საქართველოს კანონის შესაბამისად, მინიჭებული აქვს სასოფლო-სამეურნეო კოოპერატივის სტატუსი და სსიპ სასოფლო-სამეურნეო კოოპერატივების განვითარების სააგენტოსთან გაფორმებული აქვს ხელშეკრულება პროგრამაში მონაწილეობის თაობაზე;
- 1.6. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების შესრულებისათვის;
- 1.7. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

2.1. წინამდებარე ხელშეკრულება იდება შემდეგ მხარეთა შორის:

მხარე 1: სსიპ სასოფლო-სამეურნეო კოოპერატივების განვითარების სააგენტო (შემდგომში „შემსყიდველი“) წარმოდგენილი მისი თავმჯდომარის გიორგი მიშელაძის სახით,

მხარე 2: ----- (შემდგომში „მიმწოდებელი“) წარმოდგენილი ----- სახით;

მხარე 3: ხელშეკრულების დანართ N1-ში მითითებული სასოფლო-სამეურნეო კოოპერატივი (შემდგომში „მონაწილე“),

„სახელმწიფო შესყიდვების შესახებ“ საქართველოს კანონის, „სასოფლო-სამეურნეო კოოპერატივის შესახებ“ საქართველოს კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებისა და საქართველოს მთავრობის 2016 წლის 29 მარტის N150 დადგენილებით დამტკიცებული „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამის“ საფუძველზე ვდებთ წინამდებარე ხელშეკრულებას.

2.2. ხელშეკრულება დანართ N1-ში მითითებული თითოეული მონაწილისათვის ძალაში შედის დამოუკიდებლად, მის მიერ პროგრამით და ამ ხელშეკრულებით ნაკისრი ვალდებულებების ფარგლებში.

3. ხელშეკრულების საგანი

3.1. წინამდებარე შესყიდვის საგანს წარმოადგენს, საქართველოს მთავრობის 2016 წლის 29 მარტის N150 დადგენილებით დამტკიცებული „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამის“ შესაბამისად პროგრამაში მონაწილე სასოფლო-სამეურნეო კოოპერატივებისათვის მათ მიერ პროგრამის ფარგლებში მოთხოვნილი **ცხელი წყლით რეცხვის ავტომატი** სახელმწიფო შესყიდვა-გადაცემა. შესყიდვის კატეგორია: (CPV42900000) სხვადასხვა ზოგადი და სპეციალური დანიშნულების მანქანა-დანადგარები. კლასიფიკატორის კოდი: (CPV42924740) მაღალი წნევით გამწმენდი დანადგარები.

3.2. ხელშეკრულების ფარგლებში მისაწოდებელი გენერატორების ტექნიკური მახასიათებლები მოცემულია ხელშეკრულების დანართი N1-ში, რომელიც ხელშეკრულებას თან ერთვის და მის განუყოფელ ნაწილს წარმოადგენს.

4. ხელშეკრულების ღირებულება

- 4.1. შესყიდვის ობიექტის საერთო ღირებულება შეადგენს _____ ლარს საქართველოს კანონმდებლობით დადგენილი შესაბამისი გადასახადების გათვალისწინებით;
- 4.2. შესყიდვის ობიექტის ფასები მოცემულია ფასების ცხრილში, რომელიც ხელშეკრულებას თან ერთვის და მის განუყოფელ ნაწილს წარმოადგენს.

5. მხარეთა უფლება-მოვალეობები

5.1. პროგრამის მონაწილე ვალდებულია:

- 5.1.1. შეასრულოს სახელმწიფო პროგრამის ფარგლებში სსიპ სასოფლო-სამეურნეო კოოპერატივების განვითარების სააგენტოსთან გაფორმებული ხელშეკრულებით ნაკისრი ვალდებულებები;
- 5.1.2. უზრუნველყოს წინამდებარე ხელშეკრულებითა და მისი დანართებით გათვალისწინებული რაოდენობის მიღება არაუგვიანეს 2016 წლის 15 დეკემბრისა.

5.2. პროგრამის მონაწილე უფლებამოსილია:

- 5.2.1. მიიღოს წინამდებარე ხელშეკრულების დანართით გათვალისწინებული გენერატორები.

5.3. მიმწოდებელი ვალდებულია:

- 5.3.1. არ გამოწეროს ინვოისი, სასაქონლო ზედნადები ან სხვა საგადასახადო დოკუმენტაცია შემსყიდველის წინასწარი წერილობითი თანხმობის გარეშე.
- 5.3.2. არ განახორციელოს საქონლის მიწოდება მონაწილეთათვის შემსყიდველის წინასწარი წერილობითი თანხმობის გარეშე.

5.4. მიმწოდებელი უფლებამოსილია:

- 5.4.1. მიიღოს წინამდებარე ხელშეკრულებით განსაზღვრული ანაზღაურება;
- 5.4.2. მოითხოვოს მხარეებისაგან მათ მიერ წინამდებარე ხელშეკრულებით ნაკისრი ვალდებულებების შესრულება;
- 5.5. შემსყიდველი ვალდებულია:

- 5.5.1. მოახდინოს ანგარიშსწორება წინამდებარე ხელშეკრულებით გათვალისწინებული წესით;
- 5.5.2. დაუბრუნოს მიმწოდებელს ამ უკანასკნელის მიერ წარმოდგენილი საბანკო გარანტია მის მიერ ნაკისრი ვალდებულებების სრულად შესრულების შემდეგ გონივრულ ვადაში მიმწოდებლისგან მიღებული წერილობითი შეტყობინების საფუძველზე;

5.6. შემსყიდველი უფლებამოსილია:

- 5.6.1. განახორციელოს მონიტორინგი ხელშეკრულების შესრულებისა და პროგრამით გათვალისწინებული პირობების შესაბამისობაზე;
- 5.6.2. მოითხოვოს მხარეთაგან ნაკისრი ვალდებულებების ჯეროვნად შესრულება;
- 5.6.3. შემსყიდველი და პროგრამის მონაწილე არ აგებენ პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

6. საქონლის მიწოდების პირობები

- 6.1. შესყიდვის ობიექტის მიწოდება განხორციელდება საქართველოს ტერიტორიაზე შემსყიდველის მიერ მითითებულ მისამართებზე წინასწარ წერილობითი თანხმობის საფუძველზე;
- 6.2. შესყიდვის ობიექტის მიწოდება უნდა განხორციელდეს შემსყიდველის წინასწარი წერილობითი თანხმობის მიღების შემდეგ, მაგრამ არაუგვიანეს 2016 წლის 15 დეკემბრისა.

6.3. შესყიდვის ობიექტის მიწოდების ადგილია დანართი N1-ით გათვალისწინებული მონაწილეთა მისამართები; პროგრამის მონაწილეთა მიერ სსიპ სასოფლო-სამეურნეო კოოპერატივების განვითარების სააგენტოს წინაშე ნაკისრი ვალდებულების შეუსრულებლობის ან არაჯეროვანი შესრულების შემთხვევაში, შესაძლებელია მიწოდების ადგილი შეიცვალოს და დამატებით განისაზღვროს სააგენტოს მიერ ან/და შემცირდეს შესყიდვის ობიექტის რაოდენობა.

7. ხელშეკრულების შესრულების ინსპექტირება და მიღება-ჩაბარების წესი

- 7.1. შემსყიდველის მიერ განხორციელდება მისაღები საქონლის ინსპექტირება, რომელიც ითვალისწინებს სატენდერო დოკუმენტაციით გათვალისწინებული მოთხოვნილი და მიწოდებული საქონლის სპეციფიკაციების თანხვედრას და მისი ფუნქციონირების შემოწმებას.
- 7.2. ხელშეკრულების საგანი მიწოდებულად ჩაითვლება მხარეთა უფლებამოსილი წარმომადგენლების მიერ შესაბამისი სამხმრივი “მიღება-ჩაბარების” აქტის გაფორმების შემდეგ.
- 7.3. ინსპექტირებას და მიღება-ჩაბარების აქტის გაფორმებას განხორციელებენ შემსყიდველი ორგანიზაციის მიერ განსაზღვრული პირები.

8. შესყიდვის ობიექტის ხარისხი და გარანტია

- 8.1. მიმწოდებელი იძლევა გარანტიას, რომ მის მიერ მიწოდებული საქონელი სრულ შესაბამისობაში იქნება ხელშეკრულებისა და სატენდერო დოკუმენტაციის პირობებთან, არ გამოავლენს ხარვეზებს და იქნება ხარისხიანი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება.
- 8.2. მიწოდებულ საქონელზე უნდა ვრცელდებოდეს გარანტია, არანაკლებ 1 წლის ვადით.

9. ანგარიშსწორება

- 9.1. ანგარიშსწორება განხორციელდება სსიპ სასოფლო-სამეურნეო კოოპერატივების განვითარების სააგენტოს 2016 წლის სახელმწიფო ბიუჯეტიდან.
- 9.2. ანგარიშსწორება მიმწოდებელთან განხორციელდება ეროვნულ ვალუტაში
- 9.3. ანგარიშსწორება განხორციელდება სამხმრივი მიღება-ჩაბარების აქტის გაფორმების შემდეგ 10 სამუშაო დღის ვადაში;
- 9.4. იმ შემთხვევაში, თუ ობიექტური გარემოებების გამო (მიმღებმა მხარემ ვერ უზრუნველყო შემსყიდველის წინაშე ნაკისრი ვალდებულების ფარგლებში შენობის აშენება) ვერ ხერხდება შესყიდვის ობიექტის მიწოდება 2016 წლის 15 დეკემბრამდე, ანგარიშსწორება განხორციელდება მიმწოდებლის მიერ წარმოდგენილი საავანსო საბანკო გარანტიის საფუძველზე.
- 9.5. საავანსო საბანკო გარანტია წარმოდგენილი უნდა იყოს მოსაწოდებელი საქონლის ღირებულების შესაბამის თანხაზე.
- 9.6. შესაძლებელია წინასწარი ანგარიშსწორება.
- 9.7. წინასწარი ანგარიშსწორების შემთხვევაში მიმწოდებელმა უნდა წარმოადგინოს მოთხოვნილი თანხის შესაბამისი საავანსო საბანკო გარანტია.

10. ფასები

- 10.1. ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულებაში ცვლილებების შეტანა

- 11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.
- 11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს ხელშეკრულების

დანარჩენ მხარეებს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

- 11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

- 12.1. მიმწოდებელს არა აქვს უფლება შემსყიდველისა და მონაწილის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

- 13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;
- 13.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეთა შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა;
- 13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. ხელშეკრულების მიზნებისათვის დაუყოვნებლივი შეტყობინება გულისხმობს შეტყობინების გაგზავნის პირველივე შესაძლებლობას. თუ შეტყობინების გამგზავნი მხარე არ მიიღებს დანარჩენი მხარეებისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

- 14.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეები პასუხს აგებენ საქართველოს მოქმედი კანონმდებლობის შესაბამისად;
- 14.2. ხელშეკრულებით ნაკისრი ვალდებულებების ვადაგადაცილებით შესრულების შემთხვევაში მხარეს დაეკისრება პირგასამტეხლოს გადახდა შესასრულებელი ვალდებულების ღირებულების 0.2%-ის ოდენობით ყოველ ვადაგადაცილებულ დღეზე;
- 14.3. საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.
- 14.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, მხარეებს უფლება აქვთ ცალმხრივად შეწყვიტონ ხელშეკრულება;

15. ხელშეკრულების შეწყვეტა

- 15.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში ხელშეკრულების დანარჩენ მხარეებს შეუძლიათ მიიღონ გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 15.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს დანარჩენ მხარეებს მიღებული გადაწყვეტილება, მისი მიღების საფუძველი და ამოქმედების თარიღი. მხარეებს აღნიშნული შეტყობინება უნდა მიეწოდოს გადაწყვეტილების ძალაში შესვლამდე მინიმუმ 5 დღით ადრე.
- 15.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

- 15.4. ხელშეკრულების შეწყვეტა პირობების დარღვევის გამო არ ათავისუფლებს მხარეს ხელშეკრულების შეუსრულებლობისათვის გათვალისწინებული პასუხისმგებლობისაგან;
- 15.5. შემსყიდველს შეუძლია მიიღოს გადაწყვეტილება ხელშეკრულების ან მისი ცალკეული პირობების შეწყვეტის შესახებ აგრეთვე:
- 15.5.1. თუ მისთვის ცნობილი გახდა, რომ მიმწოდებელი ან/და მონაწილე მისგან/მათგან დამოუკიდებელი მიზეზების გამო ვერ უზრუნველყოფ(ენ)ს ხელშეკრულებით ნაკისრი ვალდებულებების შესრულებას;
- 15.5.2. თუ მიმწოდებლის/მონაწილის მხრიდან ადგილი ექნება მის მიერ ნაკისრი ვალდებულებების შეუსრულებლობას ან არაჯეროვნად შესრულებას;
- 15.5.3. მონაწილის მიერ ხელშეკრულებით გათვალისწინებული პირობების შეუსრულებლობის ან/და არაჯეროვანი შესრულების გამო ხარვეზის აღმოფხვრისათვის დამატებით განსაზღვრული ვადის უშედეგოდ გასვლის შემთხვევაში;
- 15.5.4. საქართველოს კანონმდებლობით გათვალისწინებულ სხვა შემთხვევებში.

16. დავების გადაწყვეტის წესი

- 16.1. ხელშეკრულების დამდები მხარეები თანხმდებიან მასზე, რომ მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;
- 16.2. თუ მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17. სხვა პირობები

- 17.1. წინამდებარე ხელშეკრულება ძალაშია ხელმოწერის დღიდან და მოქმედებს 2017 წლის 01 მარტამდე გარდა მიმწოდებლის მიერ მე-8 მუხლით გათვალისწინებული ვალდებულებებისა, რომელთა მოქმედების ვადა იწურება შესაბამისი მხარის მიერ ნაკისრი ვალდებულების სრულად შესრულებისას.
- 17.2. ხელშეკრულება შედგენილია ქართულ ენაზე სამ ეგზემპლარად. ერთი ეგზემპლარი გადაეცემა შემსყიდველს, ერთი - მიმწოდებელს და ერთი - მონაწილეს. ხელშეკრულების სამივე ეგზემპლარს აქვს თანაბარი იურიდიული ძალა.

მხარეთა რეკვიზიტები

შემსყიდველი:
სსიპ სასოფლო-სამეურნეო
კოოპერატივების განვითარების სააგენტო

მიმწოდებელი:

დანართი №1

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

პრეტენდენტის წარმომადგენელი _____

(თანამდებობა, სახელი გვარი, ხელმოწერა)

ბ.ა

N	დასახელება	ტექნიკური მონაცემები	მწარმოებელი, ქვეყანა, მარკა/მოდელი	რაოდენობა	ერთეულის ფასი	ღირებულება	საგარანტიო ვადა
1							